

## Laisiangthou Bulphuh

Huan, ngai in huai suahlam a amuh uh aksi, huai naungek omna tung a khawl matan ama uah a paizel hi.  
- *Matthai 2:9*

## Thumna Makai

> December Nipini nanung pen tan Hehpihna kiching toh hon ompih a, Amah bekhawm-phatkhawm thei dia hun hoih hon bawlsak Toupa min Phat in kipahtu gen ni.

> December khasung a Amah min thupina dia sep leh bawl, kizatna I neihte zia in Amah (Pathian) kia in Thupina tang hen la, sepkhelh/val omleh A ngaihdamna ngen in thum ni.

> Kum thak chikmah a I muhngai nailouh matuah dia I kisaklai in salam kisakholhna chingloutak himahleh Amah hatna toh chidam leh kipak a hon muhsak ding ngen ni.

> Christmas Lopna programme manphatak a I zat theih na din thumni. sunglam leh polam a hih buai thei te apan Toupa khut a ki kem sak ni.

> Central Solkal in sum note 500 & 1000 hon sihsak phut zia a mimal, inkuan banah saptuam hon sukkhak lam I theichiat hi. Hiai solkal panlakna zia a Agam nasepna in a bahloh louhna ding in heutate, sumsaite thumpih in, mimal chih kithumpih chiat ni.

> Nipini nawn January 01.2017. a Nipini masapen hun a biakkhawmna hunseh kigelte Toupa khut ah laan ni. Hiai hun a chidam a Amah bia leh phatte lak a tel ding a kisakhawl in Amah ompihna ngen ni.

## SAPTUAM BANK ACCOUNT DETAIL

"Evangelical Baptist Convention, Delhi"  
A/c No. 11084241142

State Bank of India, New Delhi Main Branch,  
Parliament Street, New Delhi - 110001,  
IFS Code SBIN0000691

Email: [finance@ebccdelhi.org](mailto:finance@ebccdelhi.org) leh  
Mob. No. 9818687331 ah piakna details  
theisak zel le kichian mahmah ding.

*Thugen & Lasakte tungtawn a  
Toupa' vehna tangngei din kisa ni.*

## TUNI BIAKNA HUNZEK

11:00AM- KHRISTMAS NI BIAKNA KIKHOP

Thupi: "A AKSI" Mathai 2:2,9

Call to Worship & Thukidawng simkhawmna : Pastor H. Biakson  
Pathian Biakna & Phatna : Worship Team Makaih in  
Nau Etna Thilpiak Latna : Upa Dr B. Langkham  
Khristmas Chibai bukna : Upa Damsawmthang  
Special Nos. : TBSUC, BYF, TBDF  
Thugenna : Pastor N. Tuang Lang  
Special Nos. : TBMC, TBCDC, TBYFC  
Pathian Phatkhawmna : Worship Team makaih in  
Hunkhakna & Vualzawlina : Upa H. Kam Suanthang

## LUNCH - LUNCH

2:00 PM - LENKHAWMNA | Worship Team leh Khuangpute Makaih in

## Nipini paita [20.11.2016] Biakna Thilpiak Lakkhawm

Sawm-a-khat - ₹ 65,130/-; Nipi Thilpiak - ₹ 8,987/-  
Missionary vakna - ₹ 9,400/-; Joint Project -Nitha ₹ 1,500/-;

## DECEMBER 31, 2016 | KIGINNI

8:00 PM | HOLY COMMUNION

Biakna leh Phatna : Worship Team makaih in  
Thumkhawmna : Mipi  
Message & Annkuang Saina : Pastor N. Tuang Lang  
Hunkhakna & Vualzawlina : Pastor H. Biakson

## 10:30PM - 12:30AM | MIDNIGHT WORSHIP

Pitu: Pastor Biakson

Biakna leh Phatna :  
Mipi Thumkhawmna : (Kipahtugenna & Thuphatawina Hun)  
Kumthak Chibai :  
Phatna & Thumkhawmna : (Kipahtugenna leh Kipiakhiakna Hun)  
Kumthak Thupuak : Pastor N Tuang Lang  
Hunkhakna : Upa Tuanmuanthang

## NIPINI NAWN BIAKNA HUNZEK

January 1, 2017 - KUMTHAK NI

2:00PM- KUMTHAK NI BIAKNA KIKHOP

Thupi: "TOUPA TAWH TONKHAWM" Mika 6:8

Call to Worship & Thukidawng simkhawmna : Pastor N. Tuang Lang  
Pathian Biakna & Phatna : Worship Team Makaih in  
Kumthak Thilpiak Latna : Upa T. Thiankhanmuan  
Kumthak Chibai bukna : Upa Ngulminthang  
Special Nos. : BYF, TBMC, TBCD  
Pastor' Thumsakna & Thugenna : Pastor H. Biakson  
Special Nos. : TBSUC, TBDFC, TBYFC  
Pathian Phatkhawmna : Worship Team makaih in  
Hunkhakna & Vualzawlina : Upa Khamkhanpau Guite

## A AKSI

*Koi ah ahia Judate Kumpipa hong pian? Suahlam ah a aksi ka mu ua, amah be dia hongpai kahi uh, a chi ua. Huainung in Herod in a guk in mipilte tuh a sam a, ngenteltak in aksi kilat lai a dong kheta a. Huan, kumpipa thu a zak un; a paita ua, huan ngai in suahlam a aksi amuh uh naungek omna tungzawn atun a akhawl masiah a ma uah a paizel a. Huan aksi tuh a muh un, a kipak lo mahmah uhi. Mat 2:2,7,9&10*

Amasa in GAMCHIAM simtu tengteng, a hong piangta leh a pianchampha ilop uh; Lemna Kumpipa leh Lal, Thaunilh Hondampa Jesu min in Khristmas Chibai! It leh ngaih tampi ten lenmual hon khup san nung leh buaina tampi leh dal thei tampi te lak & kal a hun thawveng hon bawlsak a, kum 2016 Khristmas bang hong zang thei sak, Vanglian Pathian kiang thupina leh pahtawina pia in kipathu gen hang. Hiai bang ni mu gige lou ding leh nang leh kei a dia zat nanungpen hithei ahi chih ngaihtuah kawm in nuam, manpha leh phattuampih tak a izat ikidehsak petmah hi. Tuabang ding in Toupa'n mimalte hon pi'n hon makaih chiat hen aw.

Tutung in Khristmas thuchah A AKSI chih pansan in Pathian thu saulou houlim khawmle chih kahon gelh hi. I Toupa Jesu Khrist pian a thil lamdang mahmah hong tung leh om te'n; piandang leh mihing piandan ngeina hilou ahi chih hon ngaihtuah sak mahmah hi. Thukhunlui a a liim (shadow) a na kilak lak, Jawlnei te'n ana genkholh kholh uh, Angel in Mari leh Joseph kiang a ana genkholhna te tangtun na ahihban ah, a pian a gamlak a belamchingte kiang Pathian' angel kilak, van mipi tampi zaila lep leh suahlam mipilte'n aksi lamdang leh pai thei hon zuih uh chihte khawng in tuambiikna nei ahi chih hon phawksak mahmah uhi.

I Toupa Jesu Khrist hong pian a thil lamdang mahmah omte lak a khat tuh AKSI LAMDANG hong kilang ahi. Hiai Aksi Lamdang paithei in bangchi bang melpu chih leh koi gam a kipan chihte chiang tak in Laisiangthou in hon hilh kei mahleh Suahlam mipil te'n mu in, kumpi leh vaihawmtu tuambik piang ahi chih thei in tua Aksi hon zui uhi. Hiai mipilte a kigen chiang in Magi chi in kithei hi. Magi kichi kammal hichi'n kihilhchian hi. **Magi comes from the greek word 'magos' (where the english word 'magic' comes from). Magos itself comes from the old persian word 'Magupati'. This was the title given to priests in a sect of the ancient persian religions such as Zoroastrianism. Today we'd called them astrologers. Back then astronomy and astrology were part of the same overall studies (and 'science') and went hand in hand with each other. The magi would have followed the patterns of the stars religiously. They would have also probably been very rich and held high esteem in their own society and by people who weren't from their country or religion.**

Hiai suahlam mipil, Aksi Lamdang zuite mi bangzah hi uh hiam chih Laisiangthou in gen kei in, koi gam hiam kumpi ahi chih leng kigen bok kei mahleh; a thilpiak uh chi 3 ziak in mi 3 hiding a suangtuahna leh laphuaktu khenkhat in kumpi bang a hon phuah uleh tuabang lim leh mel te latsak in om sek hi. Huan I theih leh ngaihtuah dan ah Belamchingte veh nung sawtlou a naungek Jesu pianna mun mahmah a thiltung bangmah leh, hoihtak a Laisiangthou isim a isut leh tuabang hilou hi. Belamchingte'n gan anpiakna kuang a kisial pasal naungek/baby piangtung, Anu Mari leh apa Joseph tawh vamua (Lk 2:16), Mipilte'n bel insung a anu Mari tawh naungek/young child vamua in biakna thilpiak chi thum, gen nei mahmah a kiang ah laan uhi. Tutung Khristmas in A AKSI chih apan anuai a bangte sin khia in phattuampih le ut huai isa mahmah hi.

**1. Mang pianna mun tuntu A' Aksi:** Mipilte'n hiai Aksi Lamdang leh Pai thei hoihtak a en a apailai teng uh haksatna leh buaina tuaklou ua, himahleh amau khuak pilna zang a kumpi thak piang kumpi innsung a hon zon laizang uleh, Kumpipa Herod leh Jerusalem tengteng lungzinna tuntu ahihban uah, Bethlehem le akim khua tengteng a naupang kum nih nuailam teng sihna/manthatna tun hi. Kumpi inn apan pawt a Aksi hon zuih nawn uleh, Hondampa JESU kiang tung thei pan uhi. Eite a ding in I AKSI leh I et gige ding,

a khap izuih ding I Hondampa Jesu Khrist ahi chih mangngilh kei ni. Khovel thil a kilawm leh hamphatna muhna ding thilte ah leng hiai dotna ki dawng zel ni: Ka zuih leh ka neih ka AKSI Jesu hileh bang a loh ding chih kidawng in amah hih ding thilte hih in, ahihlouh ding thilte hihlou ding in Pathian Khasiangthou piina tawh kikem tentan lehang. Mipilte'n leng A AKSI enlou a apai un a mang ua vauhilhna a tuah ban uah, amau ziak in naungek leh naupang sia leh pha thei nailou te hinna tampi in thuakloh hi.

**2. Aksi zan khomial chiang in kimu:** Hiai mipilte'n a zuih uh aksi leng aksi dangte mah bang a zan chiang a taang ahi ngei ding. Himahleh a lamdanna leh atuamna mahmah bel hiai aksi pen pai/kikhin thei hi. Tuamah tuh mipilte'n a hon zuih uh ahi hi. Khovel mialna sahtak lak a khosa ihihlai un, mial lak a aksi tang, a mial zoh khawp leh a taan leh vak semsem bang in I Pa Pathian leh I Hondampa Jesu Khrist a ding in A' Khasiangthou pii leh makaih theih hinkhua a hing in taang semsem ni hang. A mial zoh khawp leh vak neuchik leng tang zou mahmah hi.

**3. Aksi in taan louh lai neilou:** Pathian in van aksite tung solkha (moon) bang a tung sunni (sun) apan vakna piaksawn dia a bawl hilou in, amau mahmah a vakna pesuah thei dia a bawl ahi. Khrist Jesu ziak a Pathian' aksi ei mikhial hotdamte leng I omna leh sepna munte a, omdan, gamtat leh paukam a amah a dia aksi leh vak bang a tang gige a, midang te a dia sa leh kha a vualzawlina hiding hon tantu I Toupa Jesu Khrist leh I Pa Pathian in hon deih hi. Tukum Khristmas in Pathian hatna muang in tuabang ding in kipe khe chiat le ut huai hina maizen e...

**4. Leitung a Aksite bang a taang dia tat leh lamet ihi:** I Toupa Jesu hong pian a, chiamtehna AKSI LAMDANG leh PAITHEI in sinsak leh zuih ding khap hon nutsiat ahi mahmah hi. Danial in, *a pilte vansin vakna bang in a taang ding ua, mi tampi diktatna lam a heite tangtawn tangtawn in aksite bang in (Dan 12:3) chi'n ana gelh a, Paul in, ...so that you may become blameless and pure, children of God without fault in a crooked and depraved generation, in which you shine like stars in the universe... (Philippite 2:15 NIV) I Toupa Jesu hong pian a Aksi lamdang leh paithei hong kilang bang in, mi'n Jesu Khrist a Lal leh Hondampa dia hon san a, amah a Jesu Khrist a hong pian taktak chiang in, hinkho lamdang leh kikheng, mite a dia zuih leh etton tham chin theihna hatna hon nei thei hi. Tuabang mite Khasiangthou piina, makaihna leh ompihna tawh Khrist a ding a aksi lamdang leh pai thei hong suak in, mite'n a zuih chiang un mang pianna mun Bethlehem, khalam kikhenna leh pianthakna tuabang hinkhua kikheng apan in mu thei in, Pathian bia a hinkho kikheng in hong om thei uhi. Hiai nna pen theihpihna nna, khamangthang matna ahihke'h Missionary nasep I chih, huaimah tuh I Toupa'n Leitung a nutsiat dek kuan a hon thukhah nanungpen, mohpuakna ei amah gingtute liangkou a hon ngak ahi. A Aksi bang in na tang zel na hia? Tukum Khristmas in Toupa nasepna maban sunzom ding in I hinna pumpi laan khe thak ni hang.*

## ADVENT CHRISTMAS ZAT IN OM

Nisim 18.12.2016 nitak dak 4:30 in Biakin ah Tualsung BYFte malakna in Advent Christmas "O Come, Let us Adore Him" chih thulu a nei in nuam leh lohchingtak a zatzoh in omta hi.

Hiai hun ah Tuailai hunkhop leh nu leh pa hunkhop kihel a, tuailai lasiam tuamtuam apan phatna la ngaihkhia hi a, Upa Dr B Langkham a kipan in Significance of Christmas chih message manpha lua ngaihkhia hibok hi. What it means to me chih item hun ah, tuailai mimal khenkhat apan amau ngaihshutna, Christmas omzia a ana theihdan uleh tutung a Christmas a zat tupdan uh thute ngaihkhia in om hi.

Program item teng zatzoh in tuanvaite thusiamna toh kibawl mehpok leh soup limtak hawpkhawm in kikhen in om hi.

## JOINT BUILDING PROJECT TOH KISAI

Delhi a EBC Complex Project a neihdia EBC Khawmpilian a thusun, In Principle a pom hita hi.

Hiai toh kisai a poimoh bangkim saizui leh ma hon la dia Delhi a om EBC Saptuamte Khawmpi'n hon sep ahihman in Joint Project adia thohlawm I kaihkhawm lel Nikhat Tha - tutan a pesate tung ah kipahtu genkawm in pekha nailou I omleh chikpailpeuh a piaktheih ahih chih I kizasak hi.

Hiai project adia malatu Joint Project Committee in a poimoh bang in pan la zom zel ua, thohtu/petu lam in leng thathak la a kisuk ding in I kilamen in I kingen hi.

## EBC NI POIMOHE 2017

01. Kumthak Ni	: Jan. 1 - Nipini
02. Nipi skul patni	: Jan. 15 - Nipini
03. Republic Day*	: Jan. 26 - Ningani
04. Palm Sunday	: Apr. 9 - Nipini
05. Good Friday*	: Apr. 14 - Sintawpni
06. Easter Sunday	: Apr. 16 - Nipini
07. Missionary Day	: May 7 - Nipini
08. Nute Ni/Dorcas Day	: May 14 - Nipini
09. Pentecost Day	: Jun. 4 - Nipini
10. Naupangte Ni	: Jun. 11 - Nipini
11. Pate Ni	: Jun. 18 - Nipini
12. Kipahthugenna Ni/Haithak	: Tualsung seh ding
13. GBC Sunday	: Jul. 2 - Nipini
14. Independence Day*	: Aug. 15 - Sepnawnni
15. Gandhi Jayanti*	: Oct. 2 - Seppatni
16. Division/Field Khawmpi	: Oct. 8 tan a zohding
17. Tuailaite Ni	: Oct. 15 - Nipini
18. Nipi skul kumtawp exam	: Nov. 12 - Nipini
19. Kumsim Khawmpi 69na	: Dec. 7-10 (Ninga-Nipi)
20. Khristmas	: Dec. 25 - Seppatni

### Chiamteh ding:

1. Astarik (\*) omte ah Head Office a kikhak ding.
2. IBWU Thumna ni Aug. 15 leh BWA Numeite thumna ni Nov. 6 - Dorkate phasakdan a zat ding ahi.
3. Nute Nipini leh Dorcas Day Nikhat a gawmkhawm ahi.
4. Missionary Day leh GBC Sunday a thohlawmte Division tawn a HQ/Dorcas Hall a thot ding ahi.

## LABU LEH CALENDER 2017 LEITHEIH

1. I saptuam in labu a sut thak lei theih ta. Biakna Late (solfa toh kithuah **Rs.250**). Biakna Late leh Pathian Ngaihla (kigawm **Rs.300**)
2. Bangalore a I saptuam in building project pan pihna dia a bawl uh 2017 calender copy khat Rs 100 a pan a tung lam ngap zah zah a lei ding copy bangzah hiam hon khak ua ,phatuam ngai tak in lei sak chiat ni. Hiai te BYF ten Biakinn kong ah na tutpih ding uhi.

## EBC SEMTUTE TRANSFER & POSTING

Thuthak om nawn masiah EBC nuai a semtute omna thak ding Dept. wise a concern Directorate in a suah order, copy kimu bang in I taklang hi.

### MINISTRIES DEPARTMENT

S/no	Min	Tua omna	Omna ding	Assignment
1	G Kamzuan	Central Delhi	Singngat	Divisional Supt
2	H Thangchinkhup	First Posting	Central Delhi	Local Pastor
3	N Vumsong	Tribal Colony, Imphal	Khominthang, LSD	Local Pastor
4	Dr V Ginsianthang	Grace Bible College	Tribal Colony	Area Pastor
5	V Nengzahau	Vengnuam, Vangai	New Lane, LND	Local Pastor
6	Thangbiaksang	First Posting	Vengnuam, Vangai	Area Pastor
7	Lianding Guite	Child Coord/Dorcas Hall	Dorcas Hall	Evangelist
8	B Chinkhengoupau	First Posting	Dorcas Hall	Child Coordinator
9	M Ginminthang	First Posting	Bualjang, Singngat	Area Pastor
10	B Kamkhansawm	First Posting	Buangmun, Vangai	Area Pastor
11	K Thangsuanmung	First Posting	Khuangkhai, LND	Area Pastor
12	Dr M Gousuan	Khominthang, LSD	Youth Centre,	Counsellor
13	H Laithang	New Lane, LND	LRRC, Bungmual	Counsellor

### GAD

S/no	Min	Hihna	Omna Mun	Omna Ding
01	Mrs Ningngaihnang	UDA/OA	Dorcas Hall	Lamka 'N'/OA
02	Mrs Manniang	UDA/Acct.	GBC	Dorcas Hall/DADMn
03	Mr G Liangsuanmung	UDA/Acct.	Mizoram Division	MEBC Imphal
04	Mrs D Ngaknu	LDA/OA	Lamka 'N'	Lamka 'S'/OA
05	Upa H Ginzakam	LDA/Jr.Acct	Lamka 'N'	Mizoram/Jr.Acct
06	Mrs Chiinthianem	LDA/Jr.Acct	Dorcas Hall	GBC/Jr.Acct
07	Mr T Thangbiaklian	LDA/ OA	MEBC, Imphal	Lamka 'N'/Jr.Acct
08	Mr J Tawnjau	Grade IV/Peon	Mizoram Division	Imphal Division
09	Mr T Chinzalian	Grade IV/Peon	Imphal Division	Thanlon Division

### SOCIAL DEVELOPMENT DEPARTMENT

SI.no	NAME	FROM/DIV	TO/DIV	AS
01.	Upa Kamkhohen	CES Chiangpi	CES M. Compd	Asst. Teacher
02.	E. Khailianthang	CES Suangdoh	CES Buangmun	Headmaster
03.	Nemngaihmwawi	CES Sinzawl	CES Suangdoh	Headmistress
04.	V. Chinpu	CES Behiangjang	CES Khawkawn	Headmaster
05.	T. Muanlal	CES Hiangmun	CES Tuimajang	Asst. Teacher
06.	V. Tualkhenmang	CBS G-Mualkawi	CES Mualnuam	Headmaster
07.	Ngaizaching	CES Tuimajang	CES Behiangjang	Asst. Teacher
08.	Tualzakam Guite	CES Mimbung	Beth Haran Hostel	Warden
09.	H. Ginmuan	Grace Bible College	CES Thanlon	Asst. Teacher, Warden & Tutor

### MISSIONS DEPARTMENT

SI No.	Name Of Workers	From	To	As
<u>MANIPUR MISSIONS FIELD</u>				
1	Evan S. Johnson	Kwakeithel	Thiyam Konjin	Evan. Teacher
2	Evan Vimo Singh	Thiyam Konjin	Thamnapokpi	Evangelist
3	Evan Manihar	Thiyam Konjin	Awangjiri	Evangelist
4	Pastor L. Amuba	Nachou	Nambol	Area Pastor
5	Evan Sakhi Devi	Naranseina	Oinam	Evangelist
6	Evan Prembala	Nambol	Kwakeithel	Evangelist
7	Evan Leibakmacha	Sabantongba	Naranseina	Evangelist
8	Evan Ginkhenmung	Kamranga	Langol	Evangelist

### KARBI ANGLONG MISSIONS FIELD

1	Evan Haukhosiam	Tari Adong	Dakwakhana, Dhemaji	Evangelist
2	Evan Vungbiaklun	Tari Adong	Dakwakhana, Dhemaji	Evangelist
3	Pastor T. Pauzalian	Dengaon	Rong Ali	Pastor
4	Pastor Manthing Hanse	Bithilangso	Dengaon	Pastor
5	Pastor Joel Hanse	Rong Ali	Bithilangso	Pastor
6	Evan Chinkholal Lethil	Paklongkam	Tari Adong	Headmaster

### NEPAL MISSIONS FIELD

1	Evan Premraj Rai	Khedok	Field Office	Accountant/AO
2	Evan S. Pumkhanmuan	Field Office	Budhabare	Evangelist
3	Evan T.Ginzalun	Budhabare	Padajungi	Evangelist
4	Evan Geeta Subha	Padajungi	Taplejung	Evangelist
5	Evan N. Samuel	Dharampur	Uttarey	Evangelist
6	Evan B. Jemson Ngaihte	Pathari	Uttarey	Evangelist

EBC saptuam tungtawn a Toupa gam nasepna a transfer a omte mun suankhak a om te ading in thumsak ni.

Toupan gam thak a thupi zaw sem a azat na ding un. leh

# MICHIH A DIA HOTDAMNA

N. Thangsuapau

Khovel hunbite hong kidang zel in, huihkhi laan dang, phalbi zing dauai ah vuuk ngoute kia, silpak louhingte kidang a michih a ding a lungzuan kidang mahmah; Lungdamna ni thupi Mang Khrist pianni tuang itung nawnta!

Itna tawh ding a kalsuan khawm ding lai- Nupa kal hon susia a, kipahna goutan ihih ding lai a, kha leh lungtang hon heikawisak a, taksa pumpi hon suk gentheit nung a, nu leh pa hon dousak a Pathian tawh kikhen a lunglel, lamet bei, kingaisia a hingtak ale kispaw nawnlou, Dawimangpa nasep itung a hong kezelte hih manthat tuh Toupa' tangtawn thiltup ahi. (1Jn 3:8)

Khrist Jesu khangthu ah Rahab kizuaknu, Moab mi Ruthi chihte Pathian in teel mawk hi! Jesu hong pian a vaidawn or kipahpih masate enleng, mihing tanchin bang a hia chihle phawk banlou gamdai a belamchingte, tunglam aksite apan theihna nei suahlam mipilte leh Pathian limsak Sumeon. Amaute ah Pathian in khovel a it mahmah chih EMMANUEL ah ahong lang hi. Michih a ding a hotdamna chih adik mahmah hi.

A kiang ua thu hongtung bangbang belamchingte'n ginna tawh pawtkhiakpih uhi. Khrist Jesu amuh tak un Pathian pahtawi leh phatkawm zel in a kknawn uhi (Lk 2:12). Midiktat Pathian limsak Sumeon in ginna tawh Israelte khamuana ana ngak ngitngat; Khrist Jesu amuh tak in, *Tun zaw na sikha lung- muangtak in na paisakta ding a achi hi* (Lk 2:29)

Aw...! Ngaidih khelhna apan diktatna, zawna apan hauhna, lungkhamna apan lungnopna bukim, vuallelhna apan vualzohna, dawimangpa khutsung apan suahtakna ahi. Muhtheihlouh' pa (Khrist) ka muhtheih na'ng a mitmial a ka om honphal Toupa min ka phat hi.

Ka it nu-le-pa leh u-le-naute aw, na damsung a na thiltuah khempeuh Toupa'n, nang a dia hongpai Khrist na muhtheih na dia hon sawl hikha mawhlou ding hi. Hon itna bei thei hileh kei hon baan nawnlou ding hi. Lungsim nuamtak, pahtawina hinkhua hinkho lampi thak zui leh sih khamuanna taktak nei thei ding in Toupa'n hon vualzawl chiat hen aw. **KHRISTMAS ZATNUAM!**

DIKATNA A KILAMTHAKNA  
(1Peter 2:24; 1 John 3:10; Pounakle 14:34; 21:3)

## EBC 2017 THUPI KHENNENNA

KHA	THUPI & TANGTELTE	GENCHETNA
January	Mimal a khrist Diktatna a Kilamthakna 1 Kor. 1:30; Rm. 6:1-3; Kol. 2:6-7; Gal. 6:7-8.	Mimal a Diktatna a Kilamthakna dia a kibulphuhna dik Khrist ahik kisinsak
February	Inkuan a khrist Diktatna a Kilamthakna Rm. 6:18-20; Gen. 35:1-7; Eph. 5:21-33.	Inkuan sung a mi mamala Khrist Diktatna a kibulphuh dia kilamthak poimoh ahik dan kisinsak
March	Thuneihna leh Vaihawma a Khrist Diktatna a Kilamthakna Isai 11:4; Amos 5:24; Mika 6:8; Matt. 23:1-6.	Khalani leh Salam a thuneihna leh Vaihawma cinmun a Pathian in honkolhte'n, i nekohna dia plak i hi chih thei gige kawm a, Khrist Diktatna a kilamthak poimoh ahik dan kisinsak
April	Khrist mel sun Pa taktak hi dia Khrist Diktatna a Kilamthakna Gen. 8:20-22; Kol. 3:19, 21; 1 Kor. 11:3, 7, 9.	Zi-lei-ta neih ziak a Pa himi zou a, Khalani leh salam a Zi-le-late Toupa thule a kem a makaih Pa taktak hi dia Diktatna a kilamthak poimoh ahik dan kisinsak
May	Khrist mel sun Nu taktak hi dia Khrist Diktatna a Kilamthakna Eph. 5:22-24; Kol. 3:8; 1 Korr. 21:7-14; Gen. 3:6; Amos 4:1-3; Mark. 8:17, 21, 28.	May 8 Nune' Nipini ahik toh kion a Pasal leh Taw' ne' h' ziak a Nu mipu hilel lou a, Pasal leh tate. Khalani leh Salam a kepna a Diktatna a kilamthak poimoh ahik dan kisinsak
June	Khrist mel sun naupang hoih hi dia Khrist Diktatna a Kilamthakna Eph. 6:1-3; Lk. 2:52; Sm. 127:3-5; 151:2; 26:3-2-14.	June 12 Naupangte' Nipini ahik toh kion a Khrist mel sun naupang, pathian leh Nu-le-pate zahtak a, thumon a, Diktatna a kilamthak poimoh ahik dan kisinsak
July	I laisangthou hinkhatk pilh a Khrist mel sun dia Khrist Diktatna a Kilamthakna Srn. 1:1-3; 119:98-105; 1 Pet. 2:2-2 Tm. 3:16; Eph. 5:18; 2 Kor. 3:18	July 03 GBC Nipini ahik toh kion a michih laisangthou thei thoh lel hilou a, hinkhatk pilh hi dia, Khrist Diktatna a Kilamthak poimoh ahik dan kisinsak
August	Melch-olani Kallikhawma a khrist vak lang sawn sak a khrist Diktatna a Kilamthakna Pavn. 10:2, 13; 11; 1 Jn. 2:15-17; Jakob. 4:2-3.	Michih in helh-leham I kallikhawma a dikatnatna leh zawntatate tapwan a, thamon leh muanhuai apaitian kitalana toh sem dia khrist Diktatna a kilamthak poimoh ahik dan kisinsak
September	Mungzui muanhuai hi dia Khrist etton a nei gige a Khrist Diktatna a Kilamthakna Heb. 12:1-11; Luke 9:23-26, 57-62.	September 16 Mungzui muanhuai hi dia Khrist Diktatna a Kilamthak poimoh ahik dan kisinsak
October	Tualai Hinkhua a Khrist Kilawma Siahkhe dia Khrist Diktatna a Kilamthakna Gen. 39:1-13; Dan. 1:8; 6:10; 1 Sm. 2:17, 25; Eki. 11:9-12; Lk. 1:26, 27, 34, 38.	Oct. 16 Tualait' Nipini ahik toh kion a khrist hinkhatk pilh dia Khrist Diktatna a Kilamthak poimoh ahik dan kisinsak
November	Lungsim leh Ngaihtuahna thunepni Khrist hisak dia Khrist Diktatna a Kilamthakna Dan. 1:8; Math. 5:8; 12:33-37; Sern. 51:6, 17.	November 16 Lungsim leh Ngaihtuahna Sianthou nei gige dia Khrist Diktatna a Kilamthak poimoh ahik dan kisinsak
December	Khrist, Lemna Kumpipa toh kiluak thei dia khrist Diktatna a Kilamthakna Isai 9:6; Matt. 5:9; Rom. 12:14-21.	December 25 Christmas lop bun a Lemna Kumpipa kiluadipih thei dia Khrist Diktatna mah a kilamthak poimoh ahik dan kisinsak

Jesu min tuamtuan te Zawnei Isai in ana gen kholh dan.

1. LAMDANG (Wonder) Isai 9:6.
2. LEMTHEI (Counsellor) Isai 9:6.
3. PATHIAN HAT (Mighty) Isai 9:6
4. KHANTAWPNA (Everlasting Father) Isai 9:6.
5. LEMNA LAL (Prince of Peace) Isai 9:6.

Matthai 1: 23 "Ngaiin, nungak siangthou a gai dia, tapa anei dia, amin ding in Immanuel a sa ding uh "

## HILHCHIANBU HONGTUNG NAILOU

Kumthak 2017 a Piching Nipi skul zillai ding Johan bung 11-21 sung HILHCHIANBU, Convention Book Room a ki-order, hongtung nailou a, Nipi skul pat hun ma a hongtun lamet hilai. Huaiziak in, Piching Nipi skul kumtawp exam a honours mark mute leng kipahman hawm ding hun kizekai sak a, lemtang masapen a neih hiding hi.

## USHER DING - PHATUAMNGAI KIDEIH

Toupa hoihna leh a ompihna toh kumthak 2017 melmu leh zangdia I kisaklai in, Toupa gam nasepna a ngai in kei leh ka inkuan/kou lawmta in Ushering nna, zinglam biakna kikhop (11:00AM) hun ah ka hong pang ding uh chitheh I omleh nakpitak a welcome I hi. Hiai nna a ding a tangpi in mi 4 in sai/sep theih ding a, lunglutna neite'n TBSUC Ushering incharge hiam, Pastorte khatpeuh Jan. 3 tan in thuzak theih ding hi. Nipini 1/2 leng hithei ahi.

- Ushering Incharge, TBSUC  
( T/Upa S Thuambiaklian - 9899683270)



## DEIHSAKNA

*EBCC Delhi saptuam leh tuni a Gamchiam simtute tengteng - Hong piang Naungek Jesu min in Chibai!*

*Michih adia Janchinhoh Kipahhuai ahihbang in, nang leh na inkuan adia Janchin kipahhuai, a HOH leh DOK kia na tanna hunbi hong hihen chih deihsakna kon khak uhi.*

Publication Incharge & Team  
EBCC Delhi